

Nome _____ Data _____

1 Le o texto sobre o uso do artigo co posesivo e resolve as cuestións posteriores.**Uso do artigo co posesivo**

En galego, cando o posesivo acompaña un substantivo desempeñando a función de determinante, adoita ir precedido por outro determinante: o artigo. Exemplos: *a nosa escola*, *as súas ideas*. Pero hai unha serie de casos en que o posesivo pode aparecer sen artigo. Algúns dos máis frecuentes son os seguintes:

- Cando o posesivo forma parte dunha expresión coa que chamamos a atención do oínte. Exemplo: *Cibrán, meu amigo, que alegría volver encontrarte!*
- Cando o posesivo acompaña un nome de parentesco. Exemplo: *Meu irmán le moito*. Nestes casos tamén é posible que o posesivo vaia precedido do artigo: *O meu irmán le moito*.

- Cando o posesivo acompaña un nome de parentesco, vai sempre sen artigo?

- Marca as oracións en que é correcta a utilización do posesivo sen o artigo.

- ☐ Meu xersei vermello ten capucha e resulta moi abrigoso.
- ☐ Se queres vir canda nós, meu neno, terás que bulir.
- ☐ Xoel e Sara, meus antigos veciños, viven no centro da vila, a carón da alameda.
- ☐ Seu pai e meu tío son moi amigos.

2 Fíxate nas expresións formadas pola preposición *de* e as formas de masculino do posesivo e indica en cada caso cal é o seu significado.

- Xoana ten moita graza de seu, pero hoxe non está animada.
- Pedro non ten casa de seu, vive de alugueiro.
- A pregunta, de seu, non era complicada; pero custounos entendela.
- Nesta vila temos biblioteca de noso.

Indica que algo lle pertence a alguén de forma exclusiva.

Indica que algo é propio ou natural dunha persoa ou cousa.

- 3** Arrodea as contraccións das preposicións cos demostrativos que aparecen neste texto. Despois, cópiaas e indica a partir de que elementos se formaron.



Postal

A fotografía desta postal que che mando reproduce a paisaxe dun amencer. Naquela parte do fondo obsérvase unha casa xunto á praia e, nesta zona central, aparece un pequeno veleiro navegando preto do peirao. Espero que sirva para que te lembres daqueles días de vacacións que pasamos xunto ao mar.

- _____ ► _____
- _____ ► _____
- _____ ► _____
- _____ ► _____

- 4** Relaciona o posesivo de cada oración co número de posuidores a que fai referencia.

- Os teus compañeiros da clase son máis vellos ca ti.
- Xulia, a nosa nova veciña, é profesora de lingua.
- As miñas viaxes adoitan ser moi divertidas.
- Que tema escollestes para o voso traballo?

un posuidor

varios posuidores

- 5** Arrodea a sílaba tónica das palabras de cada serie e forma con esas sílabas unha nova palabra. Ten en conta que se a sílaba tónica tiña acento gráfico, na nova palabra debes mantelo.

xeo onda filloa

► _____

sofá abrigo escada

► _____

areal semana céntrico

► _____

- 6** Pronuncia as palabras que se propoñen e completa cada oración coa que corresponda.

- área / area ► Precisaron un camión de _____ para facer a obra.
- cortes / cortés ► Leonardo é moi _____; de feito, sempre nos trata moi ben.
- recua / recúa ► Unha _____ de turistas subía polas rúas, cara á praza.
- páxina / paxina ► Na primeira _____ do álbum hai unha foto da avoa coa súa irmá.